

DATA	29/09/2010
Nº	1704

RESOLUCIÓN

Unha vez que se examinou o expediente que se tramitou para a contratación da execución da obra denominada “Construcción de vial público e saneamiento no lugar de Vinseira Grande”, a adxudicar mediante procedemento aberto con multiplicidade de criterios de valoración.

ANTECEDENTES

1. Con data 20 de maio de 2010, mediante a resolución nº 908, da concelleira delegada de Economía, Facenda, Réxime Interior e Seguridade, apróbase o expediente de contratación mediante procedemento aberto con multiplicidade de criterios de valoración da obra denominada “Construcción de vial público e saneamiento no lugar de Vinseira Grande”.
2. Para tal efecto publícanse anuncios no diario La Voz de Galicia en data 28 de maio, no BOP nº 98 de data 27 de maio e no perfil de contratante nos que se solicitan ofertas de empresas capacitadas para a súa realización.
3. A Mesa xeral de Contratación, en sesión celebrada o día 7 de xullo de 2010, analiza a documentación administrativa, e acorda admitir as ofertas que corresponden ás empresas:

Empresa
COSMALCA, S.L.
OBRAS Y VIALES DE GALICIA, S.L.(OVIGA)
PAN Y DIAZ, S.L.
C. GONZÁLEZ Y GONZÁLEZ, S.L.
EXCAVACIONES AMENEDO, S.L.
AUXILIAR Y GENERAL DE SERVICIOS, S.L. (GAUXS)
INTEMAGA, S.L.
CANARGA, S.L.
GRUPO RIOTORTO
C. J. CARRO, S.AL
C.P.S.
PROYECTA, S.L.
C. J. ANTONIO
ALDASA
FERORSA
VARELA VILLAMOR
XESTION AMBIENTAL DE CONTRATAS, S.L.
ARIAS HERMANOS CONSTRUCCIONES, S.A.
ALVAC, S.A.
JESUS MARTINEZ ALVAREZ CONSTRUCCIONES, S.A.
HORDESCON, S.L.

E non admitir as presentadas por Ancherlergues e Asociados, S.L. E Construcciones F. Faro, S.L.

DATA	29/09/2010
Nº	1704

A continuación procédese á apertura das ofertas técnicas que se presentaron, acordando remitilas aos Comité de Expertos que deberán emitir un informe técnico debidamente motivado respecto dos factores de adxudicación, agás os criterios cuantificabeis de xeito automático (oferta económica e proposta de redución de prazos).

4. Unha que se viu o informe que se emitiu, a Mesa xeral de Contratación, en sesión celebrada o 7 de setembro, procede á apertura das ofertas económicas e redución de prazo. Non se abriron as ofertas presentadas polos licitadores que non superaron a puntuación mínima establecida na cláusula 15.1 do PCAP para continuar no procedemento. Logo de analizar as ofertas a Mesa de Contratación en sesión de 20 de setembro, acorda outorgar as seguintes puntuacións

Licitador	programa de traballo e protección ambiental	programa control calidade	proxecto seguridade e saúde	Subtotal fase 1	prezo	prazo	Subtotal fase 2	total
PROYECTA, S.L.	18	19	7,07	44,07	35,32	10	45,32	89,39
CANARGA, S.L.	15,5	16,75	6,61	38,86	40	8,7	48,7	75,62
OVIGA	13,5	17	4	34,5	29,41	7,18	36,59	71,09
JESUS MARTINEZ ALVAREZ, C. S.A.	11,5	12,75	7,69	31,94	31,36	8,7	40,06	69,66
XESTION AMBIENTAL DE CONTRATAS, S.L.	11,5	14,87	3,23	29,6	34,54	8,27	42,81	65,46
FERORSA	9,5	13,75	5,85	29,1	28,23	7,82	36,05	65,15
ALDASA	7,5	15,87	5,54	28,91	25,66	8,64	34,3	63,21
PAN Y DIAZ, S.L.	9,25	14,75	2,92	26,92	27,42	8,7	36,12	61,1
ARIAS HERMANOS	5,75	17	3,23	25,98	29,03	8,9	37,93	60,03
AUXILIAR Y GENERAL DE SERVICIOS, S.L.	8,5	13,25	3,23	24,98	28,1	7,39	35,49	57,89
COSMALCA	8,5	13,75	2,61	24,86	24,45	8,7	33,15	56,61
RIOTORTO	4,5	16,5	2,46	23,46	9,64	7,39	17,03	55,89
C. OBRAS JOSE ANTONIO, S.L.	3,5	15	4,15	22,65	25,66	9,57	35,23	55,69
C. J. CARRO, S.A.	8,5	9,75	4,15	22,4	31,38	1	32,38	50,46

DATA	29/09/2010
Nº	1704

Licitador	programa de traballo e protección ambiental	programa control calidade	proxecto seguridade e saúde	Subtotal fase 1	prezo	prazo	Subtotal fase 2	total
C. EN PIEDRA SIGRAS, S.L.	6,25	12	3,85	22,1	8,78	8,27	17,05	48,99
ALVAC	5,25	10,75	4,46	20,46	15,56	7,97	22,63	48,61
C. GONZALEZ Y GONZALEZ	1,25	12,75	5,38	19,38	24,99	1	25,99	45,37
INTEMAGA	7,5	9,5	1,08	18,08	19,24	1	20,24	45,1
HORDESCON	5,5	10,12	0,77	16,39	18,64	1	19,64	36,03

En base aos criterios que establecen os pregos de condicións administrativas particulares de aplicación determinase a oferta economicamente máis vantaxosa para esta administración, e a Mesa de Contratación presenta proposta de adxudicación a favor da empresa PROYECTA ACTIVIDADES PROFESIONALES DE LA CONSTRUCCIÓN, SL

5.- En data 27 de setembro de 2010 polo Xefe do Servizo de Economía e Facenda fórmulase proposta de Resolución, fiscalizada de conformidade pola Interventor municipal.

6.- En data 29 de setembro de 2010 pola Secretaría Xeral do Concello emítese nota informativa de Secretaría 54/2010 na que en atención ás consideracións que nela se fan informa desfavorablemente a adxudicación do contrato.

CONSIDERACIÓNS XURÍDICAS

1. O artigo 144 da Lei 30/2007, pola que se aproba a Lei de contratos do sector público (en adiante, LCSP), establece que no procedemento aberto con multiplicidade de criterios de valoración, a adxudicación recaerá no licitador xustificadamente elixido polo órgano de contratación, á vista da proposta da Mesa de Contratación, unha vez que se ponderen os criterios de selección que establece o PCAP.

2. O artigo 135 LCSP establece que o órgano de Contratación acordará a adxudicación provisional en resolución motivada.

3. Respecto ao importe de adxudicación, o artigo 79 da lei 26/2009, de Orzamentos Xerais do Estado, modifica dende o 1 de xullo de 2010 o apartado un do artigo 90 da lei 37/1992, do imposto sobre o valor engadido, determinando que se esixirá ao tipo do 18 por cento. Por tanto, aínda que o expediente de contratación foi tramitado cun IVE

DATA	29/09/2010
Nº	1704

do 16%, ao realizarse a adxudicación con posterioridade ao 1 de xullo de 2010, o importe de adxudicación estará constituído polo prezo ofertado máis o 18% en concepto de IVE.

En base a todo , e de conformidade coa proposta do Xefe do Servizo de Economía e Facenda

RESOLVO:

PRIMEIRO.- Declarar a validez do acto celebrado

SEGUNDO.- Non admitir as propostas presentadas polas empresas Ancherlergues e Asociados, S.L., por non xustificar a solvencia económica, incumprindo o disposto na cláusula 12.1 G)., e Construcciones F.Faro, S.L., por non presentar a documentación requirida na cláusula 12.1E), xa que a declaración responsable de non atoparse incurso en prohibicións para contratar aportada non está outorgada ante autoridade administrativa, notario público ou organismo profesional cualificado, nin xustificar a solvencia técnica ao non acreditar a execución de obras similares á licitada.

TERCEIRO.- Adxudicar de forma provisional a obra “Construcción vial y saneamiento en Vinseira Grande” á empresa PROYECTA ACTIVIDADES PROFESIONALES DE LA CONSTRUCCIÓN, SL, CIF B-70146923, por ser a que presenta unha mellor oferta considerando os criterios de adxudicación que se establecen, fixando o prezo en 205.785,97€, IVE engadido,(orzamento base: 174.394,89 €; IVE 18%: 31.391,08 €) e o prazo de execución en 45 días naturais.

CUARTO.- Requirir ao adxudicatario provisional para que, durante o prazo de **10 días hábiles** contados desde o seguinte a aquel en que a adxudicación provisional se publique no perfil de contratante do órgano de contratación, presente a seguinte documentación: :

a) Documentación xustificativa de estar ao corrente no cumprimento das súas obrigas tributarias e coa Seguridade Social. Ambas as circunstancias poderán tamén acreditarse mediante o achegamento do certificado expedido polo Rexistro de Licitadores que acredite os anteriores extremos.

b) Xustificante de estar dado de alta no Imposto sobre Actividades Económicas e ao corrente no pagamento do mesmo, achegando para o efecto copia da carta de pagamento do último exercicio, á que se acompañará unha declaración responsable de non estar dado de baixa na matrícula do citado imposto. No caso de estar exento deste imposto presentarán declaración xustificativa ao respecto.

c) Documento acreditativo de ter constituído a garantía definitiva por importe do 5% do importe de adxudicación, excluído o Imposto sobre o Valor Engadido, por calquera dos medios a que se refire o art. 84 da LCSP.

DATA	29/09/2010
Nº	1704

QUINTO.- Comunicar ao adxudicatario provisional que, en cumprimento da cláusula 28 do prego de cláusulas administrativas particulares, antes da formalización do contrato deberá aboar en concepto de anuncios de licitación as seguintes cantidades:

BOP nº 98 de 27/05/2010 : 139,88 €
La Voz de Galicia, 28/05/2010 : 472,00€

SEXTO.- Comunicar ao adxudicatario provisional que, unha vez que transcorra o prazo que se establece no parágrafo segundo, se non se procedese á adxudicación definitiva do contrato a quen resultara adxudicataria provisional por non cumprir as condicións necesarias para isto, a Corporación procederá a efectuar unha nova adxudicación provisional ás interesadas seguintes a aquela, por orde de clasificación das súas ofertas na valoración, sempre que isto fose posible.

SÉTIMO.- De conformidade co disposto polo artigo 135.3 LCSP, notificar a presente resolución aos licitadores e publicar a adxudicación provisional no perfil de contratante do órgano de contratación, establecendo o prazo de cinco días hábiles a partir de tal publicación para facilitar información aos licitadores interesados sobre os motivos de rexeitamento da súa proposta e das características da proposta do adxudicatario que foron determinantes na adxudicación ao seu favor.

Contra o presente acto administrativo de trámite, cualificado en canto decide directa ou indirectamente o fondo do asunto, poderá interpoñerse recurso potestativo de reposición ante a Alcaldía-Presidencia, no prazo dun mes a contar desde o día seguinte ao da notificación do presente acto, ao abeiro do establecido no artigo 117.1 da Lei 30/1992, de 26 de novembro; ou ben, directamente, recurso contencioso-administrativo ante o Xulgado do Contencioso-Administrativo da Coruña que corresponda, no prazo de dous meses, desde o día seguinte ao da recepción da presente notificación, de acordo co establecido nos artigos 8.1 e 46.1 da Lei 29/1998, de 13 de xullo.

Non poderá interpoñerse recurso contencioso-administrativo, se se interpuxese o potestativo de reposición, en tanto non se resolva expresamente ou se produza a desestimación presunta do mesmo polo transcurso do prazo dun mes desde a súa interposición, de acordo co establecido no artigo 117.2 da Lei 30/1992, de 26 de novembro.

Neste caso, o prazo para a interposición do recurso contencioso-administrativo será de dous meses desde a resolución expresa do recurso, a contar desde o día seguinte ao da notificación do mesmo; ou ben, seis meses, a contar desde o día seguinte en que deba entenderse desestimado por silencio administrativo o citado recurso potestativo de reposición.

En todo caso, poderá interpoñer calquera outro recurso que estime conveniente para a defensa dos seus intereses.

Culleredo, 29 de setembro de 2010
A concelleira delegada de economía,
facenda, réxime interior e seguridade

Dou fe,
A secretaria xeral

Alicia Ferreiro Varela
(Resolución nº 1210/07 de data 2 de xullo de 2007; BOP nº176,
de 1/8/2007)

Pilar Mª Pastor Novo